

明
清
史
料
丁
編
第
六
本

明清史料目錄

丁編第六本

五百零一至六百葉

兵部等部題行「兵科抄出宣大巡按梁雲構題」

稿

五〇一

兵科抄出宣大巡按梁雲構題本

五〇七

兵科抄出宣府巡撫陳新甲題本

五〇八

兵科抄出宣大巡按梁雲構題本

五〇九

兵科抄出宣大巡按梁雲構題本

五一〇

宣府巡撫陳咨兵部文

五一二

兵科抄出宣大總督楊嗣昌奏本

五一三

兵科抄出宣府巡撫陳新甲題本

五一三

兵部題行「兵科抄出大同總兵王樸題」殘稿

五一五

兵部題「兵科抄出宣府巡撫陳新甲題」稿

五一六

兵部行「戶部咨」稿

五一九

兵部題行「大同巡撫葉廷桂塘報」稿

五二〇

戶科外抄宣府巡撫陳新甲題本

五二二

兵科抄出宣大總督梁廷棟題本

五二三

兵部行「奉旨詳審降夷供詞」稿

五二四

兵部行「戶科外抄宣大總督梁題」稿

五二五

兵部行「延晉宣大等鎮嚴防賊夷」殘稿

五二六

兵科抄出宣大巡按林銘球殘題本

五二七

兵部行「兵科抄出宣大總督梁廷棟題」稿

五二八

審察降夷納賴等所供奴情殘奏本

五二九

兵科抄出宣府巡撫陳新甲題本

五三一

兵科抄出宣府巡撫陳新甲題本

五三三

兵部題行「大同巡撫葉廷桂塘報」稿

五三四

兵部題行「宣府巡撫張塘報」稿

五三五

兵部行「失名大同巡撫奏」殘稿 五三八

兵部行「兵科抄出大同總兵王樸題」稿 五三七

兵科抄出宣大巡按林銘球題本 五三八

兵科抄出宣大巡按林銘球題本 五三一

兵部行「聖諭出鎮大同等處太監陳貴等各給勅

印」稿 五三二

兵部題行「兵科抄出宣大總督盧象昇題」稿 五三三

兵部題「關寧總監高起潛手本」稿 五三三

兵部行「兵科抄出山西巡按張孫振題」稿 五三六

兵部行「兵科抄出昌宣分監鄭良輔題」稿 五三七

兵部行「戶部咨」稿 五三八

兵部題行「宣府巡撫劉永祚塘報」稿 五三九

職方清吏司呈堂文 五三二

兵部行「宣府巡撫劉永祚咨」稿 五三三

職方清吏司呈堂文 五三四

兵部等部題行「廕襲山西陣亡遼將楚繼雄二子」殘稿 五三五

兵部行「兵科抄出昌宣分監鄭良輔題」稿 五三六

兵部行「兵科抄出大同分監牛文炳題」稿 五三七

兵部行「戶科抄出宣大巡按林銘球題」稿 五三八

兵部武選清吏司手本 五三九

兵部行「兵科抄出宣府巡撫劉題」稿 五三〇

兵部行「兵科抄出宣大總督盧題」殘稿 五三一

兵部題行「兵科抄出保定巡撫張其平題」稿 五三二

兵部題行「宣府總兵楊國柱塘牌」稿 五三四

工科外抄昌宣分監謝文舉題本 五三五

兵部題「撤移潞澤兵將調補撫標」殘稿 五三六

兵部題行「兵科抄出昌宣分監謝文舉題」稿 五三七

職方清吏司呈堂文 五三七

兵部行「兵科抄出昌宜分監魏邦典題」稿 五七〇

兵部題「宣大應敍應効將領」殘稿 五七一

兵科抄出關寧總監高起潛題本 五七三

兵科抄出關寧總監高起潛題本 五七四

兵部行「兵科抄出宣大總督盧象昇題」稿 五七五

兵科抄出關寧總監高起潛題本 五七六

兵科抄出關寧總監高起潛題本 五七七

兵部行「兵科抄出昌宜分監魏邦典題」稿 五七八

兵部行「捉獲奸細事」稿 五七九

兵部題行「捉獲奸細事」殘稿 五八〇

兵部行「宣大奴情變幻」殘稿 五八一

兵部行「御前發下宣大總督陳題」殘稿 五八二

工科外抄昌宜分監謝文舉題本 五八三

兵科抄出昌宜分監魏邦典題本 五八五

兵科抄出昌宜分監魏邦典題本 五八六

兵科抄出天壽山守備太監魏國徵題本 五八七

兵科抄出司禮監太監曹化淳題本 五八八

兵科抄出宣府巡撫劉永祚題本 五八九

兵科抄出昌宜總監魏國徵題本 五九〇

兵科抄出昌宜分監魏邦典題本 五九一

兵部行「江西巡撫解吝」稿 五九二

兵科抄出登萊巡撫楊文岳題本 五九三

戶科外抄宣大總督陳新甲殘題本 五九四

兵部行「兵科抄出真定巡按張懋燾題」稿 五九六

兵科抄出援兵總監高起潛題本 五九八

兵科抄出昌宜太監魏邦典題本 五九九

兵科抄出昌宜太監魏邦典題本 六〇〇

明清史料

丁編第六本

五百零一至六百葉

兵部等部題行「兵科抄出宣大巡按梁雲構題」稿列字二百八十二號限二十四日上有貼黃書辦劉宗讓奉

兵部等部太子太保尙書等官仍加俸一級今降三級戴罪臣張等謹題爲路將通夷有據騙銀開釁可虞謹據實揭報伏乞題叅究處以儆官邪以弭邊患事職方清吏司案呈崇禎八年九月初一日奉本部送兵科抄出宣大巡按梁雲構題前事內稱崇禎七年十月二十八日該前巡按御史今革職米助國接奉都察院巡按口北五千二百七十七號勘劄准兵部咨職方司案呈奉本部送兵科抄出監視宣鎮太監王坤題前事等因崇禎七年十月十七日奉聖旨據叅張國威婪利通夷違禁開釁殊可痛恨著革了任併本內有名各犯該巡按御史提問追擬具奏兵部知道欽此又該宣大巡按御史米助國題前事等因崇禎七年十月十八日奉聖旨已有旨了該部知道欽此欽遵移咨備劄前來奉此案行兩道會問去後該臣接管行催據懷隆兵備分巡口北道僉事胡福弘等呈間得一名張國威年四十五歲係萬全都司開平衛人中辛酉甲子兩科武舉原非世職節經保薦蒙兵部推舉歷陞都司僉書管宣府東路永寧叅將事於崇禎四年十月初八日到任狀招有出邊未回被虜射死家丁李天亮又名白戶原係山西平遙縣人於萬曆三十七年被達子搶去在酋首赦目家久住後於崇禎五年攜有夷婦一口名金九蓋并三歲幼子逃回進邊投充國威下家丁與同在官家人僂郭三各素性貪利無忌熟知邊外原係赦目住收巢穴年累次在邊作歹自崇禎三年間會兵剿創後彼曾移帳遠去好得砍販枋木伊等各就不合向國威商說前情國威亦就不合允從遂於崇禎五年

十一月起卽遣僂郭三李天亮并在斫手馬二的名馬仲元亦不合假哨探爲名每班二十名出邊短哨每五日一回長哨每十日一回至七年七月止計二十箇月每月斫松栢枋木九十塊共斫松枋九百塊每塊值銀四錢共值銀三百六十兩栢枋九百塊每塊值銀八錢共值銀七百二十兩內除先發覺別卷擬徒在官旗牌劉宗玉卽劉繼道亦不合聽從國威遣令將松枋六百七十塊栢枋二百塊運送地名水關堆寄事犯將前松栢枋木八百七十塊俱入官置造城垛箭簾使用其餘松枋二百三十塊值銀九十二兩栢枋七百塊值銀五百六十兩二項共銀六百五十二兩俱國威發賣入己原無每年得利三四千兩情緣在官劉斌堡瞭望三道牆軍人張國甫靖胡堡在官軍人彭秀竝本堡在官已省發把總張弘禎各審證比因斫木日久有敎目部夷聞知思得連年與裏邊不知意要買貨見得斫手馬仲元等常川在外斫木識熟逐付與馬仲元銀大小五錠內小錠重三二兩中錠各重二十五兩二大錠各重四十兩共銀一百三十三兩馬仲元又不合故違新禁接收帶回失記年月日期送與國威國威亦又不合亦違前禁收受訖原無勾引夷人進口亦無誑哄敎目銀一千餘兩情緣在官劉斌堡軍張國佐併張國佐左鄰張國用右鄰張國甫審證比僂郭三李天亮因出邊慣熟且有李天亮丈人外夷猛克兔相通因此與猛克兔等時常買茶買布於崇禎七年五月十五日猛克兔等與李天亮銀二百兩又本年六月二十六七日與李天亮銀碗一箇銀盃盤一副又銀七十兩託令置買貨物僂郭三李天亮各又不合每月買茶約有五六十包一年約有六七百包每包值銅錢六文每月又夾帶買布十二疋一年約有一百三四十疋每疋值銀二錢四五分共買一年約用銀四十兩餘銀僂郭三分使八十兩其餘盃盤銀子俱李天亮收去使了并無分與國威其李天亮於崇禎七年七月二十二日同僂郭三并不在官長哨

張德出邊哨探惟僂郭三張德二人進邊回家李天亮因平素誑了達子買茶布銀物甚多達子惱他將他射了兩三箭復斫死在口外原無騙夷銀四百二十兩亦無國威處死李天亮各情繇僂郭三親口供證又有寄住永寧脫逃不在官山右人馬上威見得斫木有利亦不合時嘗跟隨國威哨丁出邊將幾二年約斫松枋四十塊值銀一十六兩枋五十塊值銀四十兩陸續發賣入己恐懼事犯預先逃走訖原無騙夷銀一百五十兩情繇在官軍人馬騰友審證又有劉斌堡長哨在官沈計忠即魏剛每月出口三次亦不合每次帶回不拘松栢枋木一塊松枋每塊賣銀四錢栢枋每塊賣銀八錢約三年共賣松枋四十塊得銀十六兩栢枋三十塊得銀二十四兩共銀四十兩並無分與國威俱魏剛入己訖原無騙夷銀一百五十兩情繇在官李全審證又有王麻子係國威家丁亦不合故違各邊軍民人等私出境外砍木等項事例陸續跟隨長哨出邊斫松枋四十塊值銀一十六兩發賣入己訖原無騙夷銀七十兩情繇在官軍人任四及本犯自供證又有劉斌堡長哨王二每月出口三次亦不合每次帶回不拘松栢枋一塊松枋每塊賣銀四錢共賣松枋三十塊價銀十二兩栢枋每塊賣銀八錢共賣栢枋十塊價銀八兩約賣一年餘共賣銀二十兩入己訖並無分與國威亦無騙夷銀五十兩情繇本犯自供證又黑漢嶺長哨在官張三即李愷并在官永寧人王大李二即李善政龔祥并已故孫孝五人各亦不合故違新禁於崇禎七年六月二十日在邊外收夷人王孟台吉宰生恰下陶半銀一百七十兩代買布疋五人各止買延慶州不知情曹家鋪布一百疋每疋用價銀四錢共用銀四十兩其餘銀一百三十兩五人均分訖將布每人各背二十疋於七月初一日往口外密送間行至靖胡堡接頭威遠墩有僂郭三在彼撞見稟知國威嗣後五人與陶半送布進口國威因恨伊等私分布銀將李二夾一夾棍打了一百杠子監

五

二十餘日國威亦又不合不行申報徑自隱匿陶半能通南朝音語并無劉大各犯自供相同又有劉斌堡在官哨丁徐來慶即馬禮每五日出邊一回亦不合斫取松栢枋木一塊二年來約斫松枋四十塊每塊值銀四錢栢枋三十塊每塊值銀八錢共賣銀四十兩入己原無騙夷銀一百五十兩情繇在官趙三供證又脫逃不在官王一明款開騙夷銀一百兩銀碗一箇刑審證人白二供稱實不知王一明有無騙夷銀兩即銀碗情繇無憑質對又有靖胡堡在官長哨郭二每月出哨六次亦不合每次斫取不拘松栢枋木一塊約一年共斫松枋三十塊值銀十二兩栢枋四十塊值銀三十二兩共值銀四十四兩盡數交與國威家人在官張貴亦不合收送國威訖每松枋一塊止給郭二銀一錢每栢枋一塊止給銀二錢并不與不在官張金相干亦原無騙夷銀一百五十兩情繇張貴郭二各供相同又有劉斌堡長哨馬二即馬仲元每月出哨六次又不合每次斫取不拘松栢枋木一塊約三年內共斫松枋二十塊值銀八兩栢枋五十塊值銀四十兩共銀四十八兩盡數交與國威在官家人金應科亦不合收送國威訖松枋每一塊止給馬仲元銀一錢栢枋每一塊止給銀二錢原無騙夷銀二百兩情繇金應科馬仲元各供相同又有周四溝長哨在官池一位梁汝明每月出哨三次約一年有餘二人亦不合共斫栢枋三十塊共賣銀二十四兩二人均分入己原無騙夷銀二十五兩情繇在官張讓審證又有周四溝堡長哨在官周世商趙望謝羽玉廷玉於崇禎七年七月初十日出口十一日午時在地名朵羅灣各不合接受夷人猛克兔銀六十七兩託買茶葉并五色平機雜布至十二日入口伊等將銀出首本堡守備高崇讓處該備隨寄在官舖民李進表舖內轉送東路通判庫內收貯見在又有周四溝長哨在官王元楊四涂正於崇禎七年七月初一日出邊初四日到地名朵羅灣各亦不合接受夷人黑詔氣白肚兒銀二十五

兩託買茶布等物初六日進口各丁本日將銀出首本堡守備高崇讓處該備隨寄在官舖民郭林山舖內轉送東路通判官庫收貯見在國威又不合坐占周四溝等八口墩軍每口每月坐納伴銀五錢自崇禎五年六月二十五日起共止扣了七箇月共銀二十八兩原無自任以來約銀一千餘兩情絲在官吳闔子審證又窩養強賊王國英等一款除證人周秀才已死外審據在官證佐原任將官劉茂芳并在官武四馬海川卽馬騰友各極口供稱此事全無影響無憑供招又有脫逃不在官家人張德勝因崇禎七年七月內東奴入犯起營後遺有牛八隻值銀二十四兩羊三十隻值銀九兩共銀三十三兩張德勝與同在官弟張德功趕收伊家只合報官爲是各不合隱匿肥已訖原無牛一十八隻亦無國威縱放夷丁搶奪及國威侵用情絲張德功供證又國威在官家人張樂安并先脫逃不在官家人胡望龍向隨國威食糧各不安本分就在永寧城開淫店一處窺見已省放張世芳在官男張大帶有銀錢各不合故違賭博事例套贏張大銀三十兩原無哄銀六十餘兩情絲在官審逐娼婦崔弘恩并張大各供招證國威又不合科派屬官三守備四操防每守備派柴五十捆炭二十包共折價銀五兩一錢共銀一十五兩三錢每操防派柴三十捆炭十包各折價銀三兩共銀一十二兩通共銀二十七兩三錢俱各堡號令交與國威在官家人邊二卽邊小山亦不合收送國威訖止是崇禎五年冬季科派一次六年以後國威盡行革去原無每年約銀四十餘兩節年約二百餘兩情絲在官各堡號令楊松李二卽李逢太審證國威又不合指稱弓胎樺皮行票向劉斌堡周四溝四海冶黑漢嶺要制刷箭草樺皮煖皮內四海冶支送本色煖皮三十斤刷箭草二十斤劉斌堡周四溝黑漢嶺三處各折價銀八兩四錢二分共銀二十五兩二錢六分俱各堡號令交與國威家人邊小山又不合收送國威訖其餘各堡並無取派亦無每

八

堡折價一十二兩及八兩共六十餘兩情繇各堡號令彭秀李逢太及各堡守操官卷案審證又黑峪口原有交柴軍陳伍兒等四名每日交柴四束家人邊小山查收國威每日燒用訖國威通夷違禁致蒙監視宜鎮太監王坤巡按御史米助國題奉欽依移咨備劄前來案行本道會同巡口道即將張國威焚利通夷違禁開覺殊可痛恨先行革任嚴提人黃到官併有名各犯追擬如律具招呈詳以憑具奏萬勿延緩蒙此該前任懷隆道布政使張維世遵將張國威革任羈候會審間該道調任分守道且兼先任分巡道劉象瑤又因事杜門日久回籍今該本道僉事胡福弘會同巡口道張守約行提國威等一千人犯帶赴土木堡適中將各犯逐一隔別再三研審明白無異會看得張國威身任封疆慾深豁整視驚虜悉居奇之貨借哨丁作攫利之媒堂堂路將至甘驅夷人買貨銀一百三十餘兩於斫手馬二之手羞介冑而辱干振啓戎心而墮軍實莫此爲甚雖馬二等黥口閃爍而原諱之夷稟具在周世商等出首之見賊可憑國威其何詞以自解哉僂郭三張三李二王大襲祥貪得虜金徑敢代買茶布或焚厚賂而薄償或始如約而終違此僂郭三王大等之自供自吐固甚鑿鑿足據也本道反覆詳訊通夷買貨之繇初不過李天亮自虜歸來只爲一二姻婭輩少少作盜買茶布之備而日久事熟漸愈濫觴出哨者遂多效而尤之走死地如驚矣國威既明知之而猶僅一薄懲了事竟不發覺可謂非教猱升木耶沈計忠王麻子等以出哨軍丁相率斫木此雖窮軍惟利是趨營營餬口原不盡入國威之橐而假出塞之差操入林之斧夫誰實縱之至於或坐占墩軍或科派柴炭又或橫索煖皮箭草之需國威剝削之巧題抑何累累或家丁乘變而收匿牛羊或家人開店而哄誘賭博又或家人眠同貓鼠明開居間納賄之門國威御下之廉隅已盡蕩然是分之則諸犯各各有應得之正條而合之則件件皆國威莫追之罪案也張國

九

威優郭三馬二張三李二王大龔祚俱應照新例擬斬而出首之周世商趙望謝羽王廷玉王元楊四涂正既知畏法悔禍似宜量開一面俱擬以杖王麻子私出境外斫木遺之非枉沈計忠王二馬禮郭二池一位梁汝明念係長哨不係私出配之非縱若張德功張樂安張大張貴金應科邊小山罪各有差各如律分別配杖其所得夷銀枋價及科斂等贓俱應照數沒官在逃王一明等嚴緝獲日另結將國威等取問罪犯外結得每銀一兩值鈔八十貫招結是實二十六名優郭三年五十二歲係山西榆林縣人馬二即馬仲元三十二歲係永寧軍張三即李愷四十五歲係黑漢嶺軍李二即李善政四十五歲係山西民王大五十一歲係永寧民龔祚三十八歲係滴水崖軍王麻子四十八歲係龍門軍沈計忠即魏剛三十六歲係劉斌堡軍徐來慶即馬禮二十八歲係永寧軍王二十四十三歲係永寧民郭二十五歲池一位三十一歲梁汝明二十九歲俱係山西軍張德功三十一歲係龍門所軍周世商四十五歲係山西沁源縣人趙望三十四歲謝羽四十歲王廷玉四十四歲楊四四十二歲涂正二十七歲俱係山西軍王元六十八歲係密雲軍張樂安三十六歲係宜府軍張大二十七歲係永寧縣童生張貴二十歲係山西祁縣民金應科即金東山四十六歲係赤城軍邊小山二十五歲係宜府軍各招同二十二名劉宗玉年三十五歲係永寧軍李進表二十八歲係山西汾陽縣民李維翰三十五歲係永寧百戶胡道南二十七歲係永寧縣生員張國佐五十八歲係延慶軍馬騰友即馬海川三十八歲係龍門所軍李全四十八歲係永寧軍任四二十四歲係永寧軍趙三五十歲係滴水崖民白二十二八歲係赤城軍張讓三十歲係右衛軍郭林山三十四歲係山西民彭秀四十五歲係靖胡堡軍吳闔子三十五歲係永寧軍劉茂芳五十七歲係延慶閑任將官武四五十歲係永寧民楊松五十二歲係黑漢嶺軍李二即李逢太四十

十一

五歲係永寧民陳五兒五十歲張國甫四十三歲任元美三十三歲俱係永寧軍王家相二十五歲係永寧民各供同議得張國威等所犯張國威除輕罪不坐外與饒郭三馬二卽馬仲元張三卽李愷李二卽李善政王大龔祥俱合依新奉明禁自鎮堡關隘各口以及寫遠墩臺僻逕糧艘商舟俱要設法嚴防不時巡緝首重烟酒茶葉段帛以及布縷硝黃綱鐵粟米針線等類但有犯者賊證明確不分首從奏請梟斬事例王麻子依各邊軍民人等私出境外斫木等項調烟瘴地面充軍事例沈計忠卽魏剛徐來慶卽馬禮王二郭二池一位梁汝明俱依枉法贓無祿人一百二十貫律絞係雜犯准徒五年張德功依得遺失物限外不送官者係私物五百貫之上罪止律杖八十徒二年周世商趙望謝羽王廷玉王元楊四涂正張樂安張大俱依凡奉制書有所施行而違者律各杖一百張貴金應科邊小山俱依不應得爲而爲之事理重者各杖八十張德功等俱有大誥減等張德功杖七十徒一年半周世商趙望謝羽王廷玉王元楊四涂正張樂安張大各杖九十張貴金應科邊小山各杖七十張樂安係軍張大係童生審各有力張貴係民金應科邊小山俱係軍審各稍有力各照例折納米石工價贖罪張樂安張大仍照例枷號一箇月周世商趙望謝羽王廷玉王元楊四涂正張德功沈計忠卽魏剛徐來慶卽馬禮郭二池一位梁汝明係俱軍王二係民審各無力周世商趙望謝羽王廷玉王元楊四涂正各依律的決張德功沈計忠卽魏剛徐來慶卽馬禮郭二池一位梁汝明各照例免杖解送鎮守衙門各照年限查發缺人缺人墩臺哨瞭王二發衝要驛遞擺站各滿放王麻子僉妻調發烟瘴地面充軍終身張國威饒郭三馬二卽馬仲元張三卽李愷李二卽李善政王大龔祥俱犯重刑伏候奏請照出張國威饒郭三馬二卽馬仲元張三卽李愷李二卽李善政王大龔祥俱重刑王麻子係軍犯沈計忠卽魏剛徐來慶卽馬禮王二

十二

十三

郭二池一位梁汝明張德功各係徒哨俱免紙張樂安張大張貴金應科邊小山周世商趙望謝羽王廷玉王元楊四涂正各該民紙銀一錢張樂安張大各又該贖罪米九石每石折銀五錢共米折銀四兩五錢通共米折銀九兩張貴金應科邊小山各又該贖罪工價銀一兩三錢五分張國威名下追發賣過松栢枋價銀六百五十二兩又馬仲元從邊外帶來夷人銀大小五錠共一百三十三兩又長哨郭二帶斫枋木價銀四十四兩又長哨馬仲元帶斫枋木價銀四十八兩又坐占八口墩軍納伴銀共二十八兩又科派屬官柴炭銀二十七兩三錢又科派各堡弓胎樺皮銀二十五兩二錢六分優郭三名下追同已死李天亮騙分夷人銀八十兩沈計忠即魏剛名下追私斫枋木價銀四十兩王麻子名下追私斫枋木價銀十六兩王二名下追私斫枋木銀二十兩張三即李愷王大李二即李善政龔祥四人名下各追分使夷人銀二十六兩已故孫孝免追徐來慶即馬禮名下追私斫枋木價銀四十兩池一位梁汝明二人名下各追私斫枋價銀一十二兩張德功名下追收匿牛羊價銀三十三兩張樂安名下追套贏張大銀三十兩并前罪紙銀兩通追收貯永寧縣官庫同東路通判庫先收貯出首夷銀九十二兩俱聽候類解刑部酌分措餉通取庫收收管繳報餘無照等因呈招到臣覆詳無異除批依擬監候題請明文至日遵行外該臣看得張國威倖居武榜任寄巖邊宜臥薪嘗膽乃塗豕自穢冒禁射利竟忘敵國之讐谿壑謀益何辭梟斬之律優郭三等通夷犯禁附和爲奸確訊俱真均應梟斬王麻子私越邊境遠戍允宜魏剛等羣蟻慕羶各擬徒杖既經兩道會審明白具招前來相應具題伏乞勅下該部再加議擬上請施行等因崇禎八年九月初六日奉聖旨該部覈擬具奏欽此欽遵抄出到部送司案呈到部臣謹會同刑部尙書馮等看得張國威身膺嚴寄不思貔虎策勳但知蠅蠶逐利騙夷納賄已叢介胃之羞通

十四

（在候下）命下將原
問下門將
張國威名
百五十兩
零并優郭
三等銀俱
各勒限
照數勒限
嚴勒限
追十五
完日仍將
張國威優
郭三馬元
郭三馬元
張三馬元
李三馬元
李三馬元
大善政王
李三馬元
官優郭三
官優郭三
李三馬元
李三馬元
二張三馬
俱係民馬
俱係民馬
王三馬元
查麻係軍
調麻係軍
面照舊充

夷啓戎益開邊徼之釁冒禁有律梟斬何辭優郭三附麗同奸應與同罪其餘如王麻子之越境則遠戍宜也如魏剛等之射利情罪有差則分別配杖於律非枉國憲具存究擬追賊均不能爲若輩寬也既經具題前來相應覆請合候命下行原問衙門將張國威名下賊銀玖百五十兩零并優郭三等名下各賊銀俱照數勒限嚴追完日仍將張國威優郭三馬二即馬仲元張三即李愷李二即李善政王大襲祥俱梟斬王麻子查係軍調烟瘴地面照舊充軍沈計忠即魏剛徐來慶即馬禮王二郭二池一位梁汝明各擬徒五年張德功杖七十徒一年半各照年限發缺人墩瞭哨其王二發衝要驛遞擺站周世商趙望謝羽王廷玉王元楊四涂正各杖九十俱無力的決張樂安張大各杖九十張貴金應科邊小山各杖七十俱有力分別照例折納米石工價贖罪張樂安張大仍照例枷號一個月崇禎八年拾月二十三日署司事協贊員外郎仲嘉冊庫員外郎王驥 刑部尙書馮題左侍郎朱題右侍郎王太子少保兵部尙書仍加俸一級張都察院右都御史管左侍郎事加俸一級史

兵部爲路將通夷有據等事等因崇禎八年十一月初九日太子少保兵部尙書仍加俸一級張等會同刑部尙書馮等具題十一日奉聖旨張國威優郭三馬二張三李二王大襲祥俱著彼處卽會官處決仍照例梟示王麻子調烟瘴地面充軍沈計忠等各照年限瞭哨王二站配張樂安張大著枷號一個月與周世商等分別贖決俱依擬賊銀照數嚴追欽此欽遵擬合就行爲此一咨 宣府巡撫 宣大總督 合咨前去煩照明旨內事理欽遵查照施行一咨都察院轉行宣大巡按合咨前去煩照明旨內事理欽遵施行其賊銀定限次月旬照數追完報部以憑註銷崇禎八年十一月十五日署司事員外郎王驥

月柳大張工折分十軍小金張各張樂力九係四玉謝世遞發五暗缺照俱徒功五明一禮來卽軍
 號仍樂價納別俱各山應貴杖大安的十軍涂王羽商擺衡年王人年係一杖年各位郭慶魏沈
 一照安贖米照有杖俱科係九係係決俱各正元王趙站要係二墩限軍年七張擬梁二卽剛計
 個例張罪石例力七係邊民十民軍張無杖俱楊廷望周驛民徒瞭發各半十德徒汝池馬徐忠

（The main body of the page contains extremely faint, illegible vertical text columns, likely bleed-through from the reverse side of the paper. The text is arranged in approximately 20 columns, spanning the width of the page between the margins.)

兵科抄出宣大巡按梁雲構題本 崇禎八年十一月十四日到在方爵兵部呈于兵科抄出

巡按宣大等處監察御史降二級管事臣梁雲構謹題爲遵旨覈議具奏事崇禎八年十一月初四日准宣府撫臣陳新甲會彙內貼黃大意開稱准兵部咨爲宣鎮營制已定等事議萬全左衛等城條記應否併給緣繇到職該職看得宣鎮經制新釐政易瑟而調之日如寧遠站等三十五城堡既係操防難承欽記惟萬全左衛等三十四城堡係欽依守備卽欽頒條記原不爲過亦如文職驛遞倉巡之皆有印信使爾兕螯既戢志於刻印之鄭重又希心於握篆之微榮必戮力封疆以圖報塞應部議與協路各營一路頒給無疑等因會彙到臣謹遵酌議會題新奉明旨事理不敢再瀆爲此具本謹題請旨崇禎八年十一月十三日奉聖旨已有旨了該部知道